

SAMVELIS GELHVDI
DE
BELLO ET PACE
ORATIO,

IN
Quâ de Origine, Naturâ & Incom-
modis *Belli*, Item de *Pacis* Encomiò disseritur,
in perpetuam PACIS à DEO tot gemitibus, tot suspiriis impe-
trata, & Monasterii Publicata & Confirmata, memoriam,
postridiè Festi Eucharistici, Oct. id. Novemb.

Anni cło Ioc L. per totum ELECTORA-
TUM BRANDENBURGENSEM

(habiti,

Recitata

GARDELEGIÆ SENO.

NVM, Jam verò denuò excusa




HALBERSTADI,

Sumptibus Clementis Voigt/ Bibliop.

Typis COLWALDIANIS,

Anno cło Ioc LV.



CUM VOTO DEVOTO
ET

Salute Pl, à Salutis Fonte,

VIRIS,

*Amplissimis, Consultissimis, Prudentissimis,
Morum Gravitate, Virtutum Auctoritate, E-
ruditionis Præstantiâ, Multoq; rerum
Usu & Experientiâ Præ-
stantissimis,*

Dnn. COSS: SYNDICO, CÆ-
TERISQVE INCLVTÆ REIPVBLICÆ
HALBERSTADIENSIS TUM CAMERARIIS, TUM
SENATORIBUS,

Dnn. PATRONIS, FAVORIBVS ET AMI-
CIS SUIIS SUSPICIENDIS MULTUM, ET AETATEM
VENERANDIS, PRÆSENTEM DE BELLO ET
PACE DISCVRSVM,

offert & dedicat

M. S. G.

Amplius.

*Amplissimi, Prudentissimi Dnn. Coss: Consul-
tissime, & Eruditissime Dn. Syndice, Spe-
ctatissimi & Politissimi Dnn. Camerarii
& Senatores, Patroni, Evergetæ, Fautores
& Amici Certissimi:*

QUOD à DEO immortali
iam per plures annorū decursus ardentissimis
precibus ac votis efflagitavimus, idā summā
DEi Clementiā Mense Octobri, anni XLVIII. cum maximō
totius Europæ orbis gaudiō cumulatissimè sumus consecuti,
dum MONASTERII PAX [ut superamus] firma, con-
stans, non imponens fucatō nomine, divinæ misericordiæ
aurā adspirante, publicata est & proclamata. Quæ quidem
res eò solidiore afflictissimam nostram GERMANIAM
erexit gaudio, quò minus hāc ultimā mundi senectā tale ali-
quid expectassēmus. Pleriq; enim nostrū, quā senes, quā ju-
venes, paucis abhinc annis pacem prorsus desperabant, mu-
lam citiūs parituram statuentes, quā hunc diem futurum.
Sicuti autem nos omnes amoenitate amoenā amoenissimus
hic dies oneravit; Ita etiam nunquam vel nobis, vel poste-
ris illius memoria animō excidere debet, quin potius benefi-
ciā per aureā PACIS restitutionē nobis collata, gratō animō

nunquam non recolere par erit. Et cur non lubentes meritoq; vitularemur [ut veteri Plautino verbo utar] cum tam amabile & suave sit nomen Pacis, res verò ipsa longè amantissima & suavissima, uti nemo inficiabitur, qui præteriti temporis spatium, & belli illius minimè belli memoriam ultimam secum recordabitur. Corrumpebaturne omni vitiorum genere juvenus? Damnabantne longavitatem suam luctuosi senes? Quis honos honestis habebatur literarum studiis? Paucis multa, quid aliud erat bellum illud, quàm commune homicidium & latrocinium? hòc sceleratius, quò latius patens. Hòc tantum incendium, quò tota ferè conflagraverat **ALEMANNIA**, per **PACIS MONASTERII** publicatæ confirmationem, extinctum est. Scilicet lacrymæ, querelæ & gemitus hominum cum terris non caperentur amplius, cœlò recepti tandem **PACEM**, omnium bonorum parentem & nutricem; nobis restituerunt. Hòc ergo tantum **DEI** beneficium, indignis nobis & peccatis nostris longè aliud merentibus, exhibitum, oblivisci aut dissimulare nequaquam debemus, multò minus negligere, & susq; deq; habere. Quæ admodum enim illud infelicem imprudentiam argueret, ita hoc manifestò esset impium, addo & perniciosum, cum nihil magis nos Christianos deceat, quàm divinorum beneficiorum, quæ præstitit, memoriam sanctè semper custodire. Hoc mecum pensi habens, præter solennes pro impetratâ **PACÈ** gratiarum actiones, in cœtu Sacro iussu Illustrissimi nostri **PRINCIPIS ELECTORIS** habitas, postridie Festi illius Eucharistici in Schola **GARDELEGIANA**, cui tum præfectus eram, convocavi cum Rev. illius loci Ministeriò, Amplissimum Senaturn, Collegas tum temporis meos, nec
non

non Cives literatos & Studiosos aliquot, iisq; præmissâ non
 vulgari Musicâ & Instrumentali & Vocali, hanc meam de
 BELLO & PACE recitavi orationem, cerò statuens, non
 tam Parentes, Præceptores & Cives, quàm ipsos etiam liberos
 & discipulos nostros ad vera animi gaudia & debitam Deo gra-
 titudinem exhibendam, hòc ipsò excitari, & quid beneficii no-
 bis præstitum, Panegyris hujus recordatione nunquam obli-
 visci posse. . Hunc meum discursum typis ante hac Helmæ-
 stadi exscriptum, denuò ob exemplarium defectum, typis im-
 primi, cum primis aliis sumptus suppeditantibus, curavi. Vo-
 bis verò PRUDENTISSIMI & CONSULTISSIMI DN.
 COSS: SYND. CAM. & SENATORES, iteratam hanc editionem
 sacram esse volui, tum quod dilectæ nostræ patriæ fata, & inter
 illa dirum Reformationis opus, quò Pontificii suum in nos
 dudum conceptum odium palàm & re ipsâ exferebant, in eâ
 attigerim, tum quod Patriæ per Vos restitutus, Scholæ vestræ
 Senatoriæ regimen indigno mihi & immerito demandare
 volueritis, imò hætenus etiam singulari benivolentiâ & mu-
 nificentia me affeceritis. Accedit privata quorundam, è Spe-
 ctatissimo vestro ordine benignitas, quæ in me perpluit fœ-
 cundo officiorum imbre, ut religionem duxerim esse, tot ve-
 stra præcessisse beneficia, nec aliquando meum sequi offici-
 um. Tantum quod idem non est, fateor, ut suo merito æstimari
 possit, sed supplebit hoc faciliè summa vestra in literas & lite-
 ratos benivolentiâ, quæ, quam à se sibi polliceri nequit grati-
 am, faciliè ipsi indulgebit, & ut inter *ἀξιωματόνους* vestra
 hunc de BELLO & PACE discursum reponatis, suadebit,
 impetrabit. Habet enim hæc præteriti doloris & malorum,
 quæ exanclavimus secura recordatio peculiarem, delecta-
 tionem,

tionem, ut scitè pariter & verè Amphitryon apud Senecam in
Hercule Furente dixerit,

— — Quod fuit durum pati,
Meminisse dulce est — — Ergò

— Forsan & hæc olim meminisse juvabit,
Interea me meos, & studia mea, ut hætenus, ita porrò vestro
patrocinio & favore ut ne dedignemini, imò omnibus Juven-
tutis vestræ informatoribus, ut facitis, faveatis, officiosè rogo,

Vt vestris curis porrò Schola, Curia, Tem-
(plum

Florida, Tuta, Sacrum, sit, maneat, vigeat.

Dabam Halberstad, è meo Musarum ἐργασηῖω d. X. Mart.
Anno 610 160 LV.

A. A. V. V.

Observant.

M. SAMUEL GELHUDIUS.

AD

AD CLARISSIMUM VIRUM,

DN. SAMUELEM

GELHVDIVM, amicum

suum ὁλοκάριστον de BELLO & PACE.
differentem.

Quæ te bella movent, PACIS studiose GEL-
HVDI,

Pallade quavé Deâ bellica signa moves?

Te Marathonus ager, seu te Catalaunica castra

Seu Pœni stimulant fortis Amilcarides?

Seu clypeostibi Roma suos hastasq; cruentas

Suggestit in gremium, Marte corusca, tuum?

Aut MARS ipse suæ cessit tibi jura pharetræ

Strenuus, irarum plenus & arte valens?

Promptus ut ad plausum, velut alter PHOR-

MIO, possis

Armatas acies scribere quasq; liber,

Aut

Aut tua cinxerunt quæ tempora laurea vittæ,
Munera qui PACIS numine plenus agis?
Quam rediviva novam laudum GERMANIA
plaustris

(Faxis IHOVA diu!) prorsus ad astra vehit.
An DEus ipse DEus PACIS tibi rore rigavit
Ora sacro, PACIS præco novus fieres?
Quicquid id est rerum, dictis placidissime,
BELLI

Tu satis & PACIS pro ratione facis.
Divitis est genii, causæ pro pondere pondus
Svaviter & graviter condere posse suum.

Scribebat

Φιλάτω

suo

LAVRENTIVS Schulker

Eccl. Gardel. Pastor.

Quod

Quod Deus benè vertat!

Illuxit tandem, aspirante divini numinis aurâ, & felicissimo exortu desiderii nostris respondit octava Iduum Novembris, quæ sicuti ex mandatò Serenissimi nostri ELECTORIS, AC DOMINI, DN. FRIDERICI WILHELMII, autoris hodierni gaudii ac dedicatoris, per universum Electoratum Brandenburgensem, summâ festivitate & singulari omnium lætitiâ celebratur; ita etiam ob rem tot annis, tot precibus, tot votis, tot lachrymis & gemitibus expetitam, AUREAM PACEM dico, omnibus nobis, imò toti Germaniæ latissima est, & albô signanda calculô. Quotusquisq; enim est, qui nesciat, Auditores, Osnaburgi & Monasterii, cum per se satis splendidis, tum vel ob hoc ipsum nunquam satis celebrandis urbibus, pridè Idium Octob. nostrô calculô, anni supra millesimum sexcentesium quadagesimi octavi, inter Inviictissimum Imperatorem FERDINANDUM TERTIUM, CAESAREM VERE PACIFICUM, VERE AUGUSTUM, & inter Serenissimam & Potentissimam Principem CHRISTINAM SVECORVM, GOTHORVM & VANDALORVM REGINAM, magni parentis GUSTAPHI ADOLPHI, ejus nominis Secundi gloriosissimæ memoriæ prolem unicam, unanimi omnium votò initam pacem, publicatam & proclamatam esse. Nunquam profectò Januariæ Calendæ tot ominibus exceptæ, nunquam lætioribus auspiciis ac votis libertati illuxerunt, quàm præsens, de quo loquimur, dies. Ecce enim, cum ob varia nostra delicta,

A

hinc

hinc atque hinc instructas ferratas acies vidissemus, formidabilem armorum crepitum audissemus, inamabilem tantæ multitudinis fremitum, oculos minaces, terrificum taratantaræ cantum & bombardarum tonitrua exhorruissemus, barbaras cohortes ipsò vultu sonòq; vocis horrendas aluissimus, & tantum non perissemus, benignissimus Deus tristissimo huic bello se miscuit, & consultantium animos celesti igne inflammavit, ut nisi pacem, cœu perfectissimum omnium bonorum perire quærent, quasitam invenirent, inventam probarent, probatam confirmarent, bellum autem impium, & ad vastitatem duntaxat & perniciem paratum, detestarentur. Quæ res, quia dubio procul afflictissimæ nostræ Germaniæ, singulari DEI munere ac providentiâ concessa est, nunquam, ne in extremo quidem vitæ nostræ tempore; eam oblivisci aut dissimulare debemus. Hoc enim quid esset aliud, quàm aut non agnoscere divinum munus, quod infelicis imprudentiæ, aut negligere ac parùm curare, quod manifestè impium & valdè perniciosum, cum nulla res alia æque nobis obstringat Deum, amicumq; magis ac benevolum reddat, quàm si memoriam beneficiòrum; quæ præstitit, sanctè semper custodiamus. Et herclè si in cæteris rebus nihil prudenter suscipi, nihil finiri feliciter & prosperè potest (manca enim est omnis mortalium industria omnisq; conatus, nisi favor adspiret divinus) quis quæso dubitare vel ausit vel possit, hoc tam arduum, tamq; difficile pacis negotium, quæ omnium bonarum rerum & parens est, & nutrix, vel deliberari vel obtineri potuisse, nisi summum, quod omnia moderatur Numen; tot precibus; tot votis, quæ inter quotidianas belli calamitosissimi calamitates, tot hominum myriades assiduè fuderunt & nuncupârunt, adductum fuisset & commotum, ut tandem aliquando ius opem ferret & ex-

prati

præfiffimæ pacis tempora reduceret, quorum tot documentis patientiam probâffer. Deum immortalem ! quis noſtrum paucis ab hinc annis putâffer, ſe pacem rem omnium optimam, omnium jucundiſſimam iterum viſurum eſſe ? Scilicet bellum illud triginta annorum graviſſimum & calamitoſiſſimum effecerat, ut omnis ſpes occideret, nec uſquam ſtabulum confidentiæ eſſet, imò ut arbitratemur, nec ipſam Salutem nobis ſaluti eſſe, ſi cuperet, poſſe, tanta nempe malorum agmina, tot malorum montes ex bello quotidie in nos irruebant, non ſine ingenti omnium cordolò. Memini ego, Aud, non ſemel & hic & Soltquellis capulares ſenes, homines octogenarios dicere mihi, ſe tot annos bellorum æſtu jaçtatos, & ut in undoloſo mari non uno vemo agitaros turbarum ſeditionumq; , ſi vel Jupiter autor ſpondeat, nunquam habituros huius belli finem. Mediæ & conſtantis ætatis homines deſperabant pleriq; pacem, diem ſe ſuum præ obituros rati, quam pacis aliquem portum viſuros ex tam longâ bellicarum tempeſtati navigatione. Et quid multa ? quocunq; oculos mentemq; convertebamus, ſuſpenſa omnia & ſuſpecta, & ut in domo malè ſultâ ſigna plurima ruinæ. Ad ſummam, Audit, ut amnium omnium confluxus in oceanum ; ſic cladium & miſeriæ videbatur in hoc ævum. Mediis hiſcè belli moribus mediis hiſcè miſeris, rapinis, cædibus & tributis, his non corporum tantùm, verùm etiam animorũ oppreſſionibus, Deus, quæ eſt infinita eiſ miſericordia, *ὡς δὲ πρὸ μυχῶν* intervenit, & tanta tanti belli difficultates, per Sacræ **Cæſareæ** Majestatis & Sereniſſimæ **Sve-**
nonum **Reginæ** Plenipotentiarior & Legatos feliciffimè expedit. Quod ſi igitur alias res præclare geſtas & ore & calamo prædicamus, quæ tamen neq; temporum ſunt, neq; æta-

tum omniū, neq; locorū, quantò magis hic dies omni ætati valde salutaris, est celebrandus, & in eā collarum omnibus beneficium, divinum certè, ad feros nepotes propagandum. Hoc sine unicò & solò, non vanæ gloriolæ spe, aut emendicatæ laudis desiderio, hanc cathedram conscendi, & dicendi partes in me suscepì. Et licet non semel ex eodem hòc locò verba ad Vos fecerim, nunquam tamen æquè ineptus ac indisertus mihi visus sum, ac jam in tantâ hujus diei solennitate videor. Quam dicendi difficultatem haud dubiè inde esse hariolor, quod aliàs de literis, sine quibus vita ingrata & injucunda, aliquid afferendum fuerit, aut de ipsius sapientiæ studiis, sive in porticu natis, sive in peripato, seu deniq; in florentibus Hecademi sylvis; jam verò de Regum & Principum negotiis, de Bello videlicet & Pace, quæ humili & plebeiâ oratione nec poterant, nec debebant celebrari, verba habenda sint imperito mihi, & harum rerum prorsus ignaro. Quomodo enim homo inter Musarum tacitos recessus, & literata hæc otia in pulvere Scholastico vitam agens, qui procul à sceptris & bellis, procul ab omni negotiorum strepitu & bellorum pulvere de tantis & tam arduis rebus dignam orationem promittere posset? Quicquid tamen sit, benè me sperare jubet propositum meum. Neq; enim quibus de causis bellum suscipiendum, vel quâ gerendum ratione dicturus sum, quod hoc ab artibus bellicæ peritiis discendum, & à scholis paulò alienius sit, sed saltem bellum tanquam omnis mali, pacem verò tanquam omnis boni datricem & largitricem rudi quidem, sed non invitâ Minervâ, depingam. Ne autem nullo prorsus ordine videar dicere, certos terminos & quasi cancellos orationi meæ vel brevitatibus, vel perspicuitatibus causâ constituam. Primò enim originem

nem belli, Secundo quàm illud dedecet hominem,
Tertiò ejus etiam incommoda varia ostendam. In al-
terâ orationis parte pacis commoda varia & quid nostri
pro illâ impetratâ sit officii brevibus enarrabo.

Quod dum facio, nullus dubito, quin præstituri sitis eam in
me audiendo benivolentiam, quam soletis, eam attentio-
nem; quam vultus vester, & ista oculorum in me conje-
ctio tacitè pollicetur. Quam benivolentiam vestram, quam at-
tentionem, si quis Deus mihi conciliaverit, efficere enitar, ut fa-
teamini discursum hunc meum, non solùm non injucundum,
sed animis vestris utilem, & vel solâ malorum, quæ ex anclâstis re-
cordatione consolabilem fuisse. Interea A. O. à vobis omnibus
& singulis summâ quâ possum contentione & observantiâ peto,
ut sicuti luna splendorem, quem ipsa non possidet à sole mutua-
tur; ita mihi quoq; benignitate & æquanimirate vestrâ succurre-
re, & serenis animis ac placidâ aurium operâ adesse non dedi-
gnemini.

Non min⁹ scitè & eleganter, quàm verè eloquentiæ Roma-
næ Princeps Cicero i offic. ait: *Omnis quæ à ratione suscipitur de-
re aliqua institutio, debet à definitione proficisci, ut intelligatur quid sit id,
de quo disputetur.* Hoc egregiū Tullij monitū & nos observare dece-
bit, ne statim in limine deficiam⁹, aut incoctū aliquid demus, sed
benè cocta omnia promam⁹. Bellum igitur, ut definitionē, quam
Quid nominis vocant Logicorū scholæ, primo loco examinem⁹,
nonnulli dictum existimant Κατ' ἀντίφρασιν, quasi minimè
bellum, cum ubivis vastationes, deprædationes, & cædes in eò de-

prehendantur, & maxima flagitia pro ludis habeantur iocisdq; ut
 haud immeritò omnium malorum farrago & cunctarum immanita-
 tu quasi quædam epitome dici mereatur, imò proverbio, aut veri-
 verbio rectius exinde locus factus sit: **Bellum si dixeris, omne
 malum dixeris.** Cui derivationi cur calculum nostrum non
 addamus, & multa & magna obstant, ex quibus hoc est præcipu-
 um, quod allusiva sit hæc etymologia, nec omnibus bellis, quip-
 pe, quorum multa à Deo ipso præcepta sunt, competat. Huic è
 diametro repugnat, quod **P E R O T T V S** à bello, quod bonum
 significat; bellum derivari scribit, quod boni gratiâ bella olim
 susciperentur, nec ad inferendam, sed propulsandam injuriam
 pacemq; parandam. Sunt qui à Græco **Βέλῳ**, quod jaculum
 significat deducere malint, quæ derivatio, licet non adeò sit falsa,
 tamen cum paulò longius petita, pari jure à nobis rejicitur, quò
 ab aliis proponitur. Quarta sententia est quorundam à Belo Jove
 primò bellorum (si Deus placet) inventore; bellum dictum esse au-
 tumantium, cum tamen Berossus & Xenophon in æquivocis Nim-
 rodum ante Belum bella gessisse asserant, quibus etiam adstipula-
 tur scriptura sacra, quæ si Berossi fides suspecta quibusdam, omni
 exceptione major est. Hæc enim expressè ait: Nimrodum pri-
 mum cepisse potentem esse in terrâ. Sunt præterea non pauci,
 quos inter **SALVSTIVS** & alii, quibus bellum omnium opimè
 derivatur à beluis, quarum bella sunt propria, nec nisi ob ferinos
 flagitiosorum hominum mores ad homines translata. Ad hanc
 enim notationem nominis scriptura sacra quam proximè vide-
 tur accedere, quando Nimrodum robustum venatorem fuisse
 memorat, quod Lyrâ interprete, nihil aliud significat, quàm infi-
 dias struxisse eum hominibus, eosq; aut capere, aut sternere soli-

tum fuisse, ut venator bestiis aliàs insidiatur. Neq; tamen interea improbanda **Hugonis Grotii** sententia, qui l. 1. de jure pacis & belli, bellum ex veteri voce duellum factum esse scribit, sicuti duonus antiquitus dictum pro bonus, & duis pro bis, unde etiam Bellona priscis illis seculis Duellona vocata, notante **ROSINO** ex **Varrone**. Neq; abs re est quod dicit **Grotius**, sicut enim in sanctissimò Dei verbò *μονομαχία* celebres continentur, ita apud **Homerum**, **Livium** & alios sunt usitatissimæ: Definietur autem bellum, ut definitionem quid rei (ut vocant) primoribus tantum labiis degustemus, & extremis digitulis saltem attingamus, à variis variè. **J V S T V S L I P S I V S B E L G I I P H O E N I X** l. 5. civilis doctrinæ cap. 3. bellum definit vim & arma in Principem aut populum alienum. Alii duorum exercituum pugnam ritè prius indictam. Nonnulli contentionem volunt esse duorum exercituum ritè prius indictam, in quâ vi & armis publicis agitur de re amissâ, seu de pace restituendâ. In quibus seu definitionibus seu descriptionibus illud cum primis dignum notatu, quod bella nunquam suscepta antiquitus, cum nondum fugisset pudor.

— — verumq; fidesq;

In quorum subière locum fraudesq; doliq;

Insidiæq; & vis & amor sceleratus habendi,

quod, inquam, non suscepta fuerint bella, nisi ritè ante indicta essent. Nam ex hoc intelligi potest, nullum bellum esse justum, nisi quod aut rebus repetitis geratur, aut denunciatum antè sit & indictum. Hinc **Romani** **Feciales** suos habebant, quos ita dictos apud **Varronem** reperio, quod fidei publicæ inter populos præessent. Hi bellum indicturi hastam eamq; sanguine infectam

Definitio Belli.

in fi-

in fines hostium intorquebant, unde & ipsam Bellonam belli
 præsidem hastatam finxit Statius Papinius. Deinde & illud non
 est prætereundum silentiô, quod bellum duorum exercituum
 quandam contentionem esse dixi. Si enim inter duos pluresvè
 homines decertationem fieri contingat, non bellum illud, sed
 duellum esse censebitur. Et quamvis nonnunquam plures quàm
 duo exercitus inter se congregiantur, tamen omnes illi ad duas
 præcipuè & quidem contrarias partes, referendi. Sic in hoc tri-
 ginta annorum bello *χειμάρις δίκην πάντα σύρειν ή πάν-
 τα ὡς ἀφέρεντι*, cuius finem per Dei gratiam vidimus, uti-
 nam diutissimè & nos & posterì nostri videant, non unus, non
 duo, sed plures fuerunt exercitus, quos inter primarii Cæsarea-
 nus, Svecicus, Bavaricus, Gallico-Vinariensis &
 Cattorum, &c. quorum tamen alii pro sacrâ Cæsareâ
 Majestate & Religione Pontificiâ propugnandâ; alii contrâ
 pro Svecorum Reginâ, Germanorum & Evangelii liber-
 tate (*ὡς λόγος ἐν τῇ νῆτι σιν ἔλιν*) acerrimè pugnârunt. His
 ita præmissis breviter & pro ratione instituti nostri, quæ bellorū
 prima sit origo, paucis edocebo. Neq; enim in præsentiarum
 de bellorum divisione, quâ aliud publicum, aliud privatum, aliud
 offensivum, defensivum aliud, hoc justum, illud injustum est & di-
 citur, verba facturus sum, multò minus verò quale nostrum fue-
 rit bellum, quod pressit hætenus & ferè oppressit Germaniam
 nostram, disquiram. Sicuti enim hæc res periculi & solliciti ti-
 moris plena; sic mihi homini de Scholâ ultra ferulas, præcipuè
 in negotiô tam arduo non est judicandum, cum & ipsi continua-
 tores.

tores & scriptores hujus belli, quos inter præcipui, Petrus Baptistæ Burgus Genuensis, Joh. Philippus Abelinus Argentoratensis, Bogislaus Philippus à Kemnitz, Adolphus Brachelius, Carolus Carafa Episcopus Averfanus, & Everhardus Wassenbergius Embricensis, dubii sint & inter se contrarii. Occurrunt autem & hic diversissimæ autorum sententiæ, ut bellorum primum autorem & Inventorem neutiquam facile prædici posse statuam. Reperiuntur enim, qui Ninum omnium primum bellatorem esse volunt, quos inter Justinus l. 1. cum inquit; Primus omnium Ninus Rex Assyriorum veterem & quasi avitum gentium morem novæ ingenii cupiditate mutavit, & primus intulit bella finitimis, & rudes adhuc ad resistendum populos, ad Lybiæ terminos usque domuit. Idem ille Trogi Pompeii abbreviatur Justinus l. 2. Vexorem Aegypti Regem, quem primo epitomes suæ libro, Ninò facit antiquiorem omnium primum Scythiæ bella intulisse affirmat. Sunt alii non pauci, qui Bellonam, alii qui Martem bellandi morem reperisse contendunt, quæ tamen sententiæ extra omne dubium erroneæ & falsæ. Autor Horologii Principum M. Antonius de Guevara. l. 1. cap. 30. scriptum reliquit, primam pugnam, quam in mundo commissam legimus, decretam fuisse in valle sylvestri, ubi nunc est mare salis. Quinimò idem scriptor ex verbi Divini Oraculis, mentiri prorsus nesciis, ostendit, mille & octingentos annos inde à primò mundi exordio effluxisse, quibus nunquam congressi sunt, aut prælio decertarunt populi. Et sanè vero simile est, mundum quamdiu ambitione & cupiditate caruit, tamdiu quid esset bellum, ignorasse. Refert ergò bellorum originem Guevara in decimum tertium annum regni Chodorlaomir, cujus historiam, qui vo-

let, legat Gen. 14. Verum enim verò cum hâc Guevaræ sententia è diametrò pugnat, quod Josephus antiquitatum Iudaicarum diligentissimus scriptor, primi statim voluminis 3. c. tradit, jam tum ante Noîchi diluvium Tubalcain fortitudinis cunctis excelluisse, & res bellicas fortiter exercuisse. Ex quo autore ut antiquissimò, ita & fide dignissimò sole meridiano clarius est, militarem artem esse antiquissimam, & cum ipso fermè homine, aut brevi post eum conditum cepisse, vel ut verbis Magni Lipsi utar, nata esse bella cum orbe natò, nec desitura nisi cum illò. Quicquid autem sit, de belli & bellatorum origine, quam antiquissimam esse nemo facile ambiget, hoc nihilominus extra omnem dubitationis aleam positum est, à belluis cepisse bella, & homines ab iis modum & rationem belligerandi esse edoctos. Cum his namq; primum homini bellum susceptum est, eò quod rudes & prisce illi mortales adhuc nudi sine manibus absq; tectò vitam in sylvis degerent, & nunquam non à beluis ac feris offenderentur. Quod equidem nemini in Historiarum cognitione, vità illa memoriæ & vetustatis nunciâ, vel mediocriter saltem versato, mirum aut insolens videbitur, cum & Justinus scribat, Scythas uxores liberosq; secum in plaustris vehere solitos, domò & sedibus certis caruisse, & plaustris, coriis imbrium hyemisq; causis tectis, pro domibus usos fuisse, quem morem Scrickfinno borealis plagæ incolæ suo tempore observasse memorat Saxo Grammaticus, & etiamnum hodie observare experientiâ plus satis constat. Proinde qui beluarum & ferarum vim ab hominum genere depulerant, illos variis mactabant laudibus, & ceu viros primorum principes omni honorum cultu prosequabantur, unde factum, ut a quisissimum videretur jugulare jugulan-

gulantes, trucidare trucidantes, cum primis: si nullis lacescitæ injuriis ultrò homines impeterent. Certabant autem & resistebant beluis, non instrumentis variis ad fallendum aptis, sed pugnis, unde pugna nomen habet, & calcibus. Exin lapidibus fustibusq; pugnari ceptum est, teste Herodoto in Melpomene. Nec contenti fuerunt jugulare feras, sed & pellibus earum sese muniverunt adversus rigorem hyemis, quod Scythi præ cæteris in usu fuisse ex Herodoto & Justinò liquet. Illa autem belligerandi & venandi ratio qualis & quomodo instituta, haud difficile est conjectu, si consideres, quàm parum ab artefactis instructa, & quibus armis usa sit illa tempestas. Neq; enim est quod accipitres cogitemus, aut retia aut viscum aut si quid aliud ad fallenda animalia, & ut operæ parceatur, callidis ingeniis est excogitatum. Sagittarum enim & arcuum adeò fuere expertes, ut ne Germani quidem veteres in venationibus, qui tamen his, de quibus sermo est, temporibus longè longè fuerunt posteriores, illis usi fuerint, fidem huic rei faciente Julio Casare l. 6. de bello Gallico. Ex quibus omnibus quotusquisq; est quin videat, à beluis & earum venatu bella in orbem primum derivata, præcipuè cum viderent non paucas esculentas esse & gulæ hominum non ingratas. Hinc temporis progressu eò processit gulæ tyrannis, ut non modò nulli ferarum, sed & nulli volucrum, nulli piscium parceretur amplius. Scilicet hæ cadaverosæ voluptates occidendis pecudibus hominem quoq; nullo negotio occidi posse docuerunt. Hinc sævitum in ipsos homines! hinc homicidia prima! hinc latrocinia & spolia amari ceperunt! Excogitata igitur arma quæliacundq;, quibus se communirent, excogitata tela, quibus hostem perderent. Et ut nonnullorum armorum inventores

in medium producamus, galeam gladium & hastam Lacedæmonii, & ante hos Aegyptii repperunt: Loricam Mydians Messenius, Clypeos Proetus & Acrisius inter se belligerantes excogitârunt: Ocreas & Cristas Cares quidam; lanceas Aetoli, falcem Thræces, securim Penthesilæa Amazonum Regina: Arcum & sagittas Scythes Jovis filius, vel secundum alios Apollo. Largiamur hoc Plinio, & qui ex Plinio hausit Polydoro, nihilominus tamen & hoc tam certum, quàm quod certissimum Moysen vetustissimum esse armorum inventorem. Quod si enim Aegyptiacarum rerum memoriam è Josephi antiquitatibus excusseritis mecum, Aud. & fortissimum bellatorem fuisse Moysen, & primam expeditionem in Aethiopes gloriose apparavisse invenietis. Nec nulla instrumenta bellica Demetrius Macedoniæ Rex invenit, quem constat in excogitandis & fabricandis Machinis bellicis ita extulisse ingenium, ut *πολιορκητής* fuerit appellatus. Taceo jam catapultæ, fundæ, testudinum, arietis, vineæ, pluteorum & aliarum bellicarum machinarum inventores, de quibus satis copiose agit Lipsius in poliorceticis libb. ad quos studiosos harum rerum ablegatos volo. Unicum tamen silentiò hîc præterire non possum, quod pulvis tormentarius, quò nihil terribilius, perniciosius nihil ab humanò ingeniò excogitari potuisset [licet id parùm sit ad palatum Henr. Salmuth, qui in notis ad Pancirollum, nihil salutarius inveniri potuisse ait] casu eoq; mirabili inventus fuerit. Cum enim ignobilis quidam Germanus, dignus qui ut Perillus taurum æneum, ita ipsemet pulverem pyrium & tormentum à se inventum primus experiretur, inu-

Pulveris tormentarii & bombardarum inventio.

dignit.

dignissimus, cuius memoria tolleretur funditus, ac deleteretur, domi in mortario pulverem sulphureum medicamenti præparandi causâ aliquando servaret, & lapide mortarium texisset, contigit, ut dum ignem è silice propè excuteret, scintilla quædam in mortarium deiceretur, quæ subito erumpens, lapidem in altum tulit. Hic inusitatæ rei casu edoctus mortiferæ hujus machinæ repertor, ferreâ fistulâ factâ & pulvere confectô, primum machinas & brevi post bombardas & sclopeta, quibus à sono nomen dedit [Græcis enim *Βόμῆ* & sonum & sclopus, notante Gvidone Pancirollo, sonum ex buccarum inflatione ortum significat] in maximam humani generis perniciem adinvenit. Nam quod Robertus Valturtius l. 10. de re militari bombardarum inventionem Archimedi attribuit, id dubio procul cum vero pugnat, nec majorem fidem meretur, quàm quod nonnulli scriptores à Chinesibus Typographiam inventam esse nugantur. Hinc ergo [ut è diverticulo in viam redeamus] passim, hinc frequentiore manu & majori, sed beluino prorsus ausu variis machinis circumsepti & muniti, & variô bellorum apparatu instructi homines ceperunt conflictari. Nec verò voluntas malè faciendi unum aut alterum tantum invasit, sed manus hominum & integros populos, & publicum odium publicâ clade se satiare expetivit. Ad hostiles igitur impetus cohibendos, & propulsandos, muris & vallô se cinxerunt homines, ex quibus hostis hostem urgeret, invaderet, premeret, opprimeret. Nec huic tam manifesto hominum furori suffus defuit honos, bellum appellarunt, — Scilicet.

— — Hoc prætexunt nomine culpam,

& virtutem quandam esse voluerunt, ferrò proinde ac viribus omnia tentârunt, fuderunt, profligârunt, armis, signis ac bellico apparatu alios exuerunt, & quaquâ fieri potuit, alios in fugam verterunt. Hæc bellorum origo, hæc

Tanta mali labes, tantorum hæc causa malorum !

Ceterum ne egrediar extra eos terminos, quos initiô orationis ipse mihi circumdedi, venio etiam ad secundum, quod demonstrandum mihi sumpsi. Sicuti autem hætenus meliori fortè intentione & affectu, quàm venâ ostendi, à belvis originem traxisse bella ; sic eadem quoq; belvas potius decere, quàm homines haud est probatu difficile. Ecquis enim est. Aud. qui considerans & aquâ animi lance secum perpendens habitum figuramq; corporis humani, non intelligat protinus, naturam, vel potius DEum animal hoc non bello, sed a nictiæ, non exitio, sed salutis, non injuriæ, sed beneficentiæ genuisse. Singulis enim generibus ad propulsandos impetus externos sua propria munimenta constituit, ut aut naturalibus telis repugnent fortioribus, aut quæ sunt imbecillia subtrahant se periculis pernecitate fugiendi, aut quæ simul & viribus & celeritate indigent, astu se protegant, aut latibulis sepiant. Sic taurorum impetus armavit cornibus, leonum rabiem unguibus. Apris fulmineos affixit dentes. Elephantos præter cutem & molem promuscide quoque tutatus est, Crocodilum crustis veluti laminis communivit. Delphinis teli vice pinas addidit, histricem spinis, rajam aculeis defendit. Alia eorum vel plumis levibus in sublime suspensa sunt, vel suffulta

ungu-

ungulis, quibusdam in ore arma sunt dentes, aut in pedibus adduci ungues, verbô dico, nulli munimentum ad sui tutelam deest, adeò sapienter, adeò prudenter, adeò ornatè & decenter omnia à summò omnium rerum architectò facta sunt, ut mirabiliter, si utilitatem cogites; instructa, si speciem ornata videantur, adeò miro modò consentit utilitas cum decore. Solum autem hominem rationalem quidem produxit, sed imbecillè, sed inermem, sed mollissimum carne & cute levi. Nihil tibi reperitur, quod à ratione ad pugnam aut violentiam datum videri possit. Non dicam jam, quod cetera animalia, quamprimum in lucem sunt edita, protinus erigantur in pedes suos, & gestiant discursibus suis, statimq; aëri tolerando idonea sint, quod in lucem naturalibus indumentis munita processerint, homo verò nudus & inermis, tanquam ex naufragio in hujus vitæ miseriâ projiciatur & expellatur, qui neq; movere se locò, ubi effusus est, possit, nec alimentum lactis appetere nec injuriam temporis ferre.

Ex quibus omnibus haud dubiè conjicere possumus, naturam ordinasse hominem, non ad bella & contentiones, sed ad auxilium & officium muruum, adeoq; hoc animal totum amicitiae natum esse. Huc spectat etiam mitis & placida hominis species, non enim habet dentes ferinos, aut cornua & ungues, aut ungulas, aut caudam, aut varii coloris pilos, ut videlicet non nisi amoris & benevolentiae notas præ se ferat. Tribuit natura homini oculos amicos, & in his animi indicia. Unius sum attribuit, alacritatis indicium, uni lacrimas clementiae & misericordiae symbolum. Vocem insuper dedit, non minacem, non horrendam, sed amicam, sed blandam. Addidit præterea liberalium disciplinarum studium, & cogni-

Homines dedecet bellum,

tionis

tionis ardorem, quæ res ut abducit hominis ingenium ab omni feritate; ita ad conciliandas necessitudines præcipuam vim habet. Postremò indidit etiam homini divinæ mentis scintillam, ut etiam nullò ostensò præmiò, tamen per se juvet benè mereri de omnibus. Hic habitus corporis humani, hæc ejus figura & effigies quid aliud docet, Aud. quàm pectora hominum pacatissima esse debere? Beneficiis enim humana vita constat & concordia, non terrore, non bellò, sed mutuo amore in fœdus auxiliumq; commune constringitur. Id quod porrò ex eò perspicuè palàm est, quòd reliqua animalia bruta in maximis periculis ad hominem soleant confugere, Hoc extremum illis asylum & refugium, hæc ara sanctissima universis. Quapropter si brutorum est proprium belligerare, ut ostensum est, & ad bruta spectat prima bellorum origo, imò si ipsa bruta ad hominem tanquam ad an-choram sacram confugiunt, quis est, quin videat, quanto perè bellum dedecet homines? quodq; homines bellis delectantes brutis ipsis longè sint deteriores, cum pleraq; brutorum in suo quodq; genere concorditer & civiliter degant, gregatim incedant, catervatim volitent, quin & ope mutuâ sese tueantur. Canis profectò caninam non est; Sed homo homini lupus. Leo leonem non devorat; homo homini lupus. Draco draconem non deglubit, homo homini lupus, & nulla bestia etiam immanissima homini est perniciosior, quàm homo. Præter hæc omnia, bestia naturalibus suis armis contenta sunt, homines verò usq; adeò flagrant belligerandi cupiditate, ut naturæ præsidii non contenti varia arma, vindas, pluteos, machinas, gladios, hastas, bombardas, tormenta bellica majora & minora, fragore suo cœli tonitrua æquantia,

imò

imo & superantia excogitaverint, applicuerint & approbaverint, omnia in hominum perniciem. Inter seras unicū bellum est, & perbreve, neq; enim ullibi literarum monumentis proditum, aliquot beluarum millia muruō laniatu concidisse. Adde quod sicuti feris quibusdam naturale est dissidium cum aliis diversi generis, ita rursus habent, cum quibus genuinā firmaq; cohaereant amicitia. At homini cum homine & cuilibet cum quolibet, fratri cum fratre jugis pugna est, & nusquam tuta fides, quandoquidem ut verē scribit

πρεῖδων τὸ βροτὸν σόμα ἡσίοδο :

Καὶ κεραιὸς κεραιῇ κολίε, καὶ τέκλονι τέκλῳ,

Καὶ πῶχός πῶχῳ φθονεῖ ἑασιδὸς ἀσιδῶ.

Fingite, Aud. vos videre hic leonem cum Ursō commissum, qui rictus vidēbuntur, qui fremitus, qui mugitus audientur, quæ ibi conspicietur immanitas, quæ fiet laniatio, ut etiam in tutō constitutus, non possit non timere. Sed, ô DEum immortalem! quantò fœdus spectaculū, quantò immanius factum, animal, cui amorem & amicitiam in sevit natura, tot telis, tot armis instructum, hominem nempe cum homine congregi. Quàm ardent oculi, ut ora pallent, quantum furorem præfert incessus; quomodo vox frendet, quis clamor, totus homo ferreus est, crepant arma, fulminant bombardæ. O stultos! ô vānos! ô insanos homines! in immanes bestias se convertunt, quos natura placidos finxit. Et utinam, ô utinam non quærerent huic insanix suæ mantellum aliquod, imò non vituperandam eam, sed omni potius encomiorum genere hanc suam vitam cohonestandam esse impudenter postularent. Neque enim gloriam suam & memoriam melius relinqui posse

C

futuris

futuris seculis censent, quàm si minacem cristam vertici imponant, & fulgentem galeam, aut pinnatos cubitos & squamas induant. Hæc illa est Circe, hæc Syren, hic hamus iniqui dæmonis, hoc laqueo innumeros cepit ! Verùm proh DEùm atq; hominum fidem ! quid cogitari in mundo vanius potest, quàm rationem velle habere mundi, qui nullius rationem habet, & DEi qui rationem habet omnium, rationem habere nolle ? quæ major insânia in hominem posset caderè, quàm quod augendæ rei gratiâ & famæ acquirendæ deteriorem in dies singulos facit animuni ? Pleriq; scilicet famæ magnæ malunt esse, quàm bonæ, & vetus hoc in naturâ malum est, quod multi, vel maxima potius hominum pars vitæ correctionem dignitatis studio postponunt. Hinc videmus multos male moratos & vagos juvenes, qui cum narrari audiunt prælium aliquod memorabile, in quò equites ejusdem ætatis, loci & ordinis alii admiranda ediderint facinora, mox æmulatione commoventur, & bile æstuante togam repente sagò mutare ac in militiam confestim proficisci gestiunt, exercitiisq; equestribus se totos tradunt. Deniq; impetu illo Juvenili impulsî, licentiam à Rege in militiam proficiscendi flagitant, & inter agnatos pecunias, quas absument, conficiunt, sed quod omnium est indignissimum, cum onusti nummis exiverint, vitiis onerati revertuntur, ut experientia hujus rei lucidissimus testis. Non paticos reperias, quibus adeò præstrinxit aciem oculorum belligerandi libido, ut φύσεως γραμματέα τῆ καλάμων εἰς νῦν ἀποερέχοντα [ira magnum illud mundi miraculum Aristotelem vocat Suidas] stultitiæ suæ patronum quærere impudentissimo ausu contendant. Aristoteles enim iram vocat cotem fortitudinis, & virtutis quasi fomitem

quen

quendam, unde stultissimè colligunt, neminem posse adversus hostes fortiter dimicare, nisi antea irâ fuerit concitatus, vel fasciatus. Cæterum hos verosimiliter mentientes, imò toto cœlo errantes purgatum caput helleboro Anticyras mittimus. Quod si enim irâ nobis data est, ut ea ad occidendos homines utamur, quid homine immanius? quid belvis similis existimandum est, quàm id animal, quod ad communionem & innocentiam DEUS condidit. Et ut hæc hominum perversorum verbigeratio [liceat Apulei vocabulo festiviter novato uti] adhuc clarius pateat, age, videamus quæso, qui sint iræ limites & termini, intra quos consistere debet, si laudem à Stagirite philosopho antea nominatam jure suo sibi vindicare debeat. Sunt autem tres tales affectus, qui homines in omnia facinora præcipites agunt, ira, cupiditas, & libido, quò dubio procul Poëtarum figmentum de tribus furiis, quæ mentes hominum exagrent, collinat. Ira ultionem desiderat, cupiditas opes, libido voluptates, eâ tamen lege atq; ordine, ut intra certos limites se contineat. Quæris, qui sint istius limites? Id non est magni laboris ostendere. Cupiditas nempe ad ea comparanda nobis data est, quæ sunt ad vitam necessaria, libido ad sobolem propagandam, iræ affectus ad coercenda peccata, hoc est, ut arctiore disciplinâ minor ætas ad probitatem Justitiæmq; formetur, quæ nisi metu cohibeatur, licentia pariet audaciam, quæ in omne flagitium & facinus erumpet. Itaq; irâ uti adversus minores, & justum est & necessarium, adversus pares & perniciosum & impium. Impium quia violatur humanitas; perniciosum, quia illis repugnantibus aut perdere necesse est, aut perire. Sed [proh] illi homines affectu iræ ad bonum usum nobis concessô, non tantum

ipsi pessimè abutuntur, & latius quàm par est evagantur, sed & alios ad idem faciendum noctes atq; dies instigant. Silentii peplo jam involvam turpissimum cupiditatis abusum, quâ utuntur ad congerendas opes, unde fraudes, unde latrocinia, imò omnia scelerum genera exorta sunt. Nec libidinis quicquam degustabo, quâ ad capiendas tantum voluptates pessimè abutuntur, unde stupra, adulteria, imò Gargara quædam malorum exorta, sed ad tertium primæ partis membrum statim accessum faciam, monstraturus breviter, quæ & quanta belli beluini sint incommoda.

Unde autem & à quò potissimum exordiar, horum bellorum incommodorum telam, valdè animi pendeo, neq; enim

Si mihi sint linguæ centum, sint oraq; centum,

Omnia bellorum percurrere crimina possem.

Omnia bellum exedit, exhaurit, absorbet, monstrum est ac portentum ingens, neq; charybdis ipsa tam multa vorat, neq; ingens absorbet Oceanus. Ejus diuturnitate quid horribilius? quid vastius? quid desertius? cujus effigiem ingens ille Romanorum terror Hannibal, cum è montibus Pyrenæis descendisset, autore Val. Max. talem vidit. Serpentem scilicet mirâ magnitudine, cum ingenti strage arbores & virgulta prosternentem, & nimbum cum fragore cæli grandine & fulminib⁹ gravidum corrumpentem villarum culmina, domorumq; tecta, ac summas urbium arces. Attonitus Hannibal, quidnam esset monstri, ecquid portenderet? interrogavit: **Hic dux Italiæ vides, inquit, vastitatem, proinde sile, & cætera tacitis permitte fatis.** Præclara profectò belli effigies, quæ vivis coloribus & vel ipsius Apellis penicillò Lernaum

Incommoda Belli,

hoc

hoc monstrum depingit. Quod si enim quicquam est in rebus mortalibus, quod execrari, quod deprecari & propellere nos oporteat, certè bellum est, quò non alia res vel calamitosior, vel latius perniciofa, vel hærens tenaciùs, vel tetrior, & in totum homine indignior, ut ne dicam Christianò. Operum autem bellicorum egregium catalogum nexuit Gvevara l. 3. cap. 13. Horol. principum, cum inquit: Opera bellica sunt hæc: Homines interficere, templa spoliare, populari regiones, deprædari infontes, licentiam dare furibus, distrahere amicos, excitare seditiosos, quorum nihil sine maximò justitiæ detrimentò & conscientie scrupulò fieri potest. Et ut orationis vela [in re proh dolor notissimâ & vulgatissimâ] contraham, & ad portum respiciam, plus malorum sensisse nos in bello a-
jo, quàm ullius sermo possit assequi, nedum meus. Non tantum caries ligno, tinea vestibus, scintilla stupæ, locustæ segetibus, gurgulio granariis, quantum milites urbibus & oppidis, imò universo hominum generi nocent, pecus nullum relinquunt, quin jugulent, nec hortum, quin populentur [dicam liberè, verò enim sunt veriora, & tanquam è tripode dicta, quæ recenseo] nec vinum quin exhauriant, nec alveare, quin castrent, nec templum, quin spolient, nec feram, quin venentur, nec nummum, quem non extorqueant, nec flagitium, quod non tentent. Perpetua illorum cantio, quam cum lacte materno imbiberunt hæc est:

— Hæc mea sunt veteres migrate coloni.

Dictum factū, albis quadrigis citius advolant, magnā pernis pestem inferunt, magnā labē larido, magnā sumini absumedinē, maximā laniis lassitudinē, maximā porcinariis, quibus quando destituūtur, ipsi collos prætruncāt tergoribus & non rareretur deturbant totū cum carne carnariū, omnia Argò oculatiores,

quippe qui in occipitiō æq; ac syncipitio oculos habent, perquirunt, nec nisi inanias & araneos in domibus relinquunt. Et quid opus est ulteriori oratione hæc proficere? Mutemus personas, Aud. conscendatis ipsi cathedram hanc, vel potius in intima cordium vestrorum penetralia descendatis, & spacium præteriti temporis, & belli hujus memoriam aliquantulum mecum recordemini. O benignissime DEus! quam belli faciem vidit Marchia nostra & vicini Episcopatus Magdeburgensis, & Halberstadensis, ut alia remotiora loca nunc taceam. Magdeburgum sanè plus quàm stygiæ crudelitatis exemplō à Tyllio expugnata, satis, proh! docuit, bellum non aliâ ratione esse bellum, quàm furia sunt Eumenides. Quantam & quàm miserandam stragem ediderunt ibi Croatæ, sævitum in viros fœminasq; promiscuè, neq; [horresco referens!] imbellis ætas impuberes servavit. Ut primum irruerunt sanguinis & prædæ, instar muscæ sanguisorbæ, cupidissimi,

**Illicit ignis edax summa ad fastigia ventō
Volvitur, exsuperant flammæ furit æstus ad
auras,**

Atque ita incendiō conflagravit tota civitas, non pluribus quàm viginti quatuor horis, civitas illa [heu quondam!] ut antiquissima, ita & nobilissima. Triginta incolarum millia ferrō & igne perierunt, secundum Everhardum Wasserbergium, licet Carolus Carafa & ex eo Petrus Baptista Burgus scribant, cæcorum numerum referre vix quenquam posse. Multi ferrō cecidère, non pauci igne miserrimè consumpti sunt. Sanguine maduerunt templa, maduerunt altaria, aspersi sunt penates, infecta flumina, & ipsæ nubes ad gemitus & lamenta ho-

Expugnatio Magdeburgensis,

minuta

minum scissæ. Inter alia sex egregia templa in cineres redacta, quorum quædam scetilibus laminis, quædam plumbo, & Divo Johanni dicatum cuprò tecta erant. Quot homines apertis cellis & fornicibus mortui, semimortui inventi, quot formosissimæ virginies defloratæ, quot in perpetuam servitutem abductæ, quanta hominum multitudo in Albim se præcipitem egit. Tanta nempe fuit Tyllij, tanta Croatarum crudelitas, ut ad Hierosolymitanum excidium quàm proximè videretur accedere. Tené præteream HALBERSTADIUM, dilectissima patria, quam primum corpore hoc nicô pressi, pedibus his institi, cujus aërem hausi, in quâ infantia mea vagiit, pueritia lusit, juvenus exercita & educata est, ubi familiare oculis cœlum, & mons Bructerus totò orbe celeberrimus, ubi longâ serie cognati, amici, sodales. Impius essem, nisi hic & tua farrâ, maxima profectò, tangerem! Ex infinitis unius præcipuè recordabor. In quas angustias conclusa, in quas miseras cōjecta eras propter reformationis executionem; cum commissariis ALBERTO WALLENSTEINIO FRÏEDLANDIÆ DUCE, & Comite JOHAN DE TYLLI, EPISCOPO OSNABRUGENSI & aliis missis, omnia templa à Catholicis reformarentur & occuparentur; cives verò Lutherani domo & fôco propriò relictis, cum uxoribus & liberis in exilium ire juberentur. Quoties memini, sed vix sine lacrymis memini, me puerum frequentissimas conciones funebres præcipuè, audisse sub Jove frigido in cœmiteriò quod Neapolitanum vocant, quercu ramosâ & saxo ad illam erecto cathedram ministrante. Heu qui singultus mulierum, qui virorum gemitus passim inter pompas, addo monstrosas & frustraneas Pontificiorum processiones! Parùm aberat, quin & ipsum Divi

Reformatio Halberstadensis,

Marti-

Martini templum tibi occlusissent, & superstitioso cultu illud profanâssent. Sed DEUS pro infinitâ suâ misericordiâ, cum ad eum modum pessimè nexa esset fabula, & de religione, imò de capitibus nostris comitia haberentur, mittebat libertatis Adsertorem, *ῥῶν ἐν αἰγίοις*, GUSTAVUM ADOLPHUM, cujus adventu omnes cleri Pontificii conatus, omnia cōsilia in fumos & ventos abibant. Verùm quid tempus terimus alienorum malorum recordatione? quid mali sola nostra GARDELEGIA est experta? quas tempestates? quos bellorum æstus, tantos sanè, & tam varios, ut quid primò, quid postremò locò dicendum sit, equidē nesciam. Anno 26. currentis seculi semina apud nos spargebantur, futuras bellorum tempestates denunciantia. Hòc enim annò GEORGIUS WILHELMUS b. m. ELECTOR BRANDENBURG: Dominus noster Clementissimus, milites prædarios ad nos mittebat. Quos tumultus, quas turbas non multò post anno nimirum 28. m. Jan. Comes PAPENHEIMIUS urbem nostram ingressus, dederit, non sine ingenti cordoliò recordabimini. Quæ certamina, quos ludos instituerit nostris sumptibus omnes nôrunt, qui PAPENHEIMIUM nôrunt, & gnathonem ejus Capitaneum Iven, depeculatorem & bonorum nostrorum expilatorem egregium. Obliti estis? Ah quid oblivisceremini hujus circumspæctoris oculos emissitios habentis & doctis dolis, ac faceris fabricis præ aliis instructissimi, hujus, inquam, auspicio & ductu pileis colligi, vel ut veriùs dicam, extorqueri à nobis pecuniam, imò pecuniæ massas, & sacco ad PAPENHEIMIUM deferri. O si loqui posset platea nostra, quam Magdeburgensem vocamus, quid illa tunc temporis lapidibus nudata, quos ludos, quas exercitationes bellicas, non sine juventutis

& castarum foeminarum scandalo habitas, narraret. Quæ palatia, quas ædes magnificè exstructas miles ejus destruxerit, multi nostrum non sine damno, quidam etiam non sine lacrymis experti sunt. Nec satis erat aurò & argentò omni nos emungi, sub LUNEBURGICO DUCE, PAPENHEIMIO, HOLCKIO, COMITE DE Richtensteln, Köderitio, & aliis [ham tot dominorum fuimus mancipia] nisi Capitaneus quidam Svecicus, infelici sydere ad nos missus, cui nomen Neorath, quod nomen an fatò quodam, à novò pecunias extorquendi modò & cõsiliò huic homini tributum, an à majoribus tractum, equidem dubito, aliis & quidem miserrimis modis nos tractasset. Cum enim intellexisset antecessores suos, vix trium dierum comeatum, ac ne vix quidem reliquissè nobis, ille de se & suis sollicitus, non sine urbis & totius patriæ nostræ dispendiò, omnia vasa ærea, ferrea, stannea, plumbea, cuprea, præcipuè verò majora illa, quibus cerevisiam coquimus, celerimè comportari jussit, minis, vi, & verberibus eò Senatū adegit & cives, ut collecta illa vasa Hamburgum missa, venderentur, & sibi pecunia numerata traderetur. Quò factò, obfides quosdam, quos secum asportaverat, restituit quidem, sed civibus & illorum liberis, nil nisi inanias & araneas & vix pura elementa reliquit. Quis talia fando Suecicorum aut Cæsareanorum militum temperet à lacrymis? Neq; tamen hic finis malorum fuit, sed semper aliud ex alio malū, è Scyllâ semper in Charybdin prolapsi sumus; & subinde venerunt, qui cicatricem rubentem adhuc & hiantem refricaret. Eodem enim adhuc anno nempe 36. integer exercitus Suecicus ad portas nostras castra metatus est, qui equitatu & peditatu suo Urbem intra & extra adeò exhaustit, & tantam annonæ cari-

tatem effecit, ut omnibus nobis res ad restim rediret, & actum de nobis esse videretur. Tum verò aratra nostra conversim in arma, vomeres in sagittas, simplicitas in malitiam, charitas in crudelitatem, justitia in violentiam. Ut jam nihil dicam de peste cōpse annō tūm hic, tūm alibi grassante. Fugeret sed quorsum? extra urbem miles omnia obsederat, undiq; & undiq; armorum strepitus. In urbe dira fames & fœvissima pestis duo maxima omnium malorum abominamenta, ut loquitur Orosius. Heu animus meminisse horret, luctuq; refugit, lacrymæ domi, querelæ in curiâ & plateis, luctus in animis, gemitus in pectoribus, ut pleriq; vitam morte commutare serio exoptarent, tantum gemitu (uti Plautus *ἀνάλγει*) & mœstæ mœstitiæ nobis offerebatur hic annus. Sed texamus porro hujus tragœdiæ telam & varias obsidiones & deditiones, ut quæ illarum præcipua fuit Krachtianam videamus. Cum enim ROCHOVIUS equitum magister insequente anno, urbe exire juberetur, & Cæsareanis portas pandere, illô reluctante, sclopetis ab utrâq; parte, quin & tormentis actum, & eximiæ magnitudinis globi in urbem trajecti, donec res tandem eò deducta est, ut per *ἀμνησίαν* quandam & *μὴ μνηστῆρας* in gratiâ redirent, & urbs nostra obsidione liberaretur. Quid dicam de STRALENDORFII legione, egrégia sui monumenta reliquit! de WRANGELIO, qui ruptis fidei repagulis, quibus eum SERENISSIMUS NOSTER ELECTOR sibi obstrinxerat, Succis dedit Gardelegiam nostram denuò possidendam. Quid alios memorem quàm plurimos, quorum crudelitatem & in exigendis pecuniarum contributionibus miram industriam melius novistis, quàm ego. Valeant interim & habeant, nos querelæ finem facientes me-

mon-

notoriam malorum, quæ perpeffi sumus, jucundiffimæ & defideratiffimæ pacis confideratione abolebimus, fi prius hoc unicum monuero, quod omnia quæ dixi, Historicorum more, (quorum hæc funt requifita: Ne quid falſi dicere audeant, ſecundò ne quid veri non audeant, tertio ne qua ſuſpicio gratiæ ſit in ſcribendo, ne qua ſimultatis) prout audivi & vidi abſq; affectibus iræ vel odii recitaverim & pronunciaverim, ne videlicet Momus aliquis habeat, quod theonino dente rodere poſt hac valeat.

Ne quæſo agrè feratis, Audit. optimi, quod præter tempus vos detinuerim, abſq; intentione meâ calamus quædam dictitavit, quæ nunquam antea in mentem mihi venerunt, exiguum temporis ſpatium adhuc commorari & aurium operam prothymè mihi largiri, ut dignemini, obnixè, rogo. Poſt centum enim annos, nec ego de pace dixero, nec vos dicentem me audietis. Ut autem de re omnium optimâ tot ardentiffimis precibus, tot votis, tot annos expetita & deſiderata & breviter & perſpicuè agamus, à nomine, quod uti dulce eſt; ita etiâ ſignificat rem cum jucundam, tum ſalutarem, primum exordiamur. PAX à pactione ſeu à paciſcendo, quod videlicet regnum cum regno, & natio cum natione novum amicitie foedus pangat, & novæ neceſſitudinis vinculo inter ſe copuletur. Pacis proinde vocabulum nihil aliud ſignificat, quam multorum inter ſe amicitiam mutuam, & conjunctionem, ſicut bellum plurium ſimultatem indicat. Idem ex Græco vocabulo multò clarius patet, quod ex *ῥῆς* & *ἔγω* derivatur Grammaticæ peritis, quod mentes hominum inter ſe contrarias & è diametro pugnantes necat rursus, & diſcuſſâ contentionum nebulâ pacis & concordie aliquam ſerénitatem reducat. Quod ſi igitur nomen pacis tam amabile, tam dulce, tam

jucundum, quid putatis, Aud. rem ipsam aliud futuram, nisi
 maximum amorem & summas generis humani delicias, præ-
 primis verò nobis, qui Martio pulvere toti fuimus obrecti &
 pessimè deformati & defloccati. Quemadmodum enim bo-
 na valetudo jucundior est iis, qui è gravi morbò revaluerunt,
 quàm qui nunquam ægrò fuerunt corpore; sic etiam nos au-
 rea pax, anxie desiderata hætenus, & seriò expetita, cò magis
 & magis delectabit, quàm si assidue illà fruii essemus. Con-
 tentionum & discordiarum nubes quædam obscuraverat Ger-
 maniam nostram, morbus gravissimus peccatis nostris ita
 merentibus, eam invaserat, ut etiam de vitâ ipsâ propemo-
 dum desperaret, sed discussa est nebula illa, DEO clementer an-
 nuente, & pristino vigori, seu restituta GERMANIA, seu brevi re-
 stituetur. Cepit enim hætenus novum quoddam ver rebus
 humanis affulgere, coluntur rursus agri, vernant horti, pascū-
 tur lætæ pecudes, ædificantur villæ, exstruuntur oppida, instau-
 rantur jam tum collapsa, ornantur & augentur. Vigent rus-
 sus leges, quæ inter arma siluere, floret Reipublicæ disciplina,
 fervet religio, valet æquitas, calent opificum artes, efflore-
 scunt denuò honestissimarum disciplinarum studia, eruditur
 juvenus. Bonis auspiciis nubunt virgines, vox sponsi & spon-
 sæ auditur. Florent boni, minùs peccant mali. Pax & iustitia
 juxta Regium Psalterium mutuo se osculantur, filia enim iustitiæ
 Pax est, ut scribit Pindarus in Pythiis. Quæ omnia à me recita-
 ta bona, quorum innumera alia ex auræ Pace, tanquam
 ἐξ Ἀμαλθείας κέρας, non ita pridem publicatâ, in Ger-
 maniam nostram redundant. Scilicet Pax optima rerum
 Quas homini novisse datū est, pax una triūphus
 Innumeris potior

ut & verè & eleganter scriptum reliquit Silius Italicus. Postquam enim Inviçitissimus Imperator FERDINANDUS, quod nomen, non nisi amorem, nisi concordiam spirat, reapse & haud exiguo sui ipsius detrimentò comperisset, non duraturam amplius Germaniam, tot belli tempestatibus miserè quasatam, & velut in undoso mari variis bellorum procellis hinc atq; hinc agitaram, nisi maturè suppetias ferret, factum est singulari DEi providentiâ, ut tum ipse Imperator verè Augustus, verè pacificus, tum etiam Serenissima Svenonum Regina, Duces, Electores & Principes, [quos inter non postremò locò ponendus, SERENISSIMUS NOSTER ELECTOR, DOMINUS NOSTER CLEMENTISSIMUS,] miserti tandem patriæ suæ fessæ & jam jam ruituræ de fulcimentò pacis ei substernendò cogitarent. Locus huic tam nobili, tam salutari, tam necessario & divino proposito continuando lectus fuit Hamburgum, emporium & Urbs Hanseatica famâ usq; ad sidera nota. Brevi post actio illa pacis Monasterium & Osnabrugum anno nimirum 43. translata, ubi inter Comites Generosissimos MAXIMILIANUM DE TRAUTMANDORF ET JOHANNEM MAXIMILIANUM LAMBERGIUM, &c. à parte Cæsareâ; a SVECORUM verò parte inter GENEROSISSIMUM COMITEM JOHANNEM AXELII OXENSTIRN, ET NOBILISSIMUM JOHANNEM SALVIUM, regni Svecici Consiliarium intimum, assistente & dirigente Spiritus Sancti gratiâ, deliberari, agi, moveri, respõderi, objici, repõi cepit, donec tandè [pro quo tibi, ô sanctissima TRIAS immortales gratiæ!] die 14. Oct. anno æræ usitatæ

D 3

milles.

Pacis publicatio.

milles. sexcentef. quadragesimo octavo, PAX, sed ut speramus, sincera, sed fida, non imponens fucatô nomine, aut mox in fumos, aut novâ servitutem abitura, sed certa, sed tuta, atq; in posteros transferenda, publicata, & toto orbe Européo applaudente, confirmata. Hem! quid hîc non molita Atē? quas turbandi partes hîc sibi non sumpserunt quâ illi, qui nescio à quo Lojolâ inauspicatô partu editi, quâ alii percussores Principum, parricidæ humani generis, incendiarii orbis terrarum, qui non nisi innocentum sanguine vivere, non nisi bonorum ruinis stare possunt. Quid non tētavit ipse INNOCENTIIUS DECIMUS hodiernus Papa Romanus, quando contra hanc Osnabrugensem pacem execrandam & infamem bullam emisit, & pactum non pactum esse voluit, cui tamen respondit Johannes Hoornbeckius Theologus Ultrajectinus, & inexhaustæ lectionis vir David Blondellus. Sed clementissimus DEus, qui non est dissensionis, sed pacis DEus, omnes illorum conatus fecit irritos, cogitavit super nos cogitationes pacis & non afflictionis, ut daret nobis finem & patientiam. Jus sit gladium ingredi in vaginam suam [ut cum Jeremiâ loquamur] refrigerari & filere. Quid ergò tandem hîc nostri erit officii? Abundè id nos docuerunt hesternæ duæ conciones solatiô & doctrinâ refertissimæ, mandatô Serenissimi nostri P. habitæ, quas cordibus nostris inscriptas & infixas nunquam non repetere & ruminare assiduè fascerit. Ego autem idem cū illis faciendum judico, DEo scilicet immortales gratias habendas, sine intercapedine laudandum DEum, & cū Davide ingeminandum: Laudate, cantate, jubilate, exultate, psallite. Per commodè hîc locô in mentem venit, quod in Illust. ad Elmi magni nominis Philosophus de Henrico Glareano in publicâ lectione aliquando recitabat. Henricus Loritus Glareanus,

cujus

cujus doctissima annotationes in multos Historicos hodieq;
 extant, prælecturus & explicaturus aliquando SVETONIUM, cū
 cathedram conscendisset, altā & quidem eleganti, quā polle-
 bat, voce, incepit canere: GRATES NUNC OMNES &c. quod cum
 auditores, qui aderant in magna frequentia magnā cum ad-
 miratione audivissent & vidissent, ceperūt ridere omnes, quip-
 pe qui cum non cantaturum; sed dicturum rati erant. Quō
 visō Glarcanus velut increpitans inquit: Nolite ridere, meri-
 tō omnes & singuli grates agimus DEO, qui nos è manibus
 tantorum tyrannorum clementer eripuit, quorum vitam sum
 prælecturus vobis. Sic & ego ajo: Grates nunc omnes redda-
 mus Domino, nolite ridere, nolite oblivisci, res seria agitur, à
 tyrannis liberavit nos DEUS, Cyclopes illos, qui devoratum
 nos omnes venerant, & subinde ὡς Φαῦμα illud πελώριον
 apud Homerum, hæc eructabant verba: :

ἐνθ' ἂν ἐγὼ διὸς ἔχθρ' ἀλδαίμην, πειφιδόμην
 οὐτ' εἶσθι, εἴθ' ἑταίρων, εἰ μὴ θυμὸς με κελεύει.

Cœlestis Ulysses omnes prostravit, meritō igitur gratias agi-
 mus DEO, meritō hoc tantum beneficium,

In freta dum fluvii current, dum mentibus
 umbræ:

Lustrabunt convexa; polus dum sydéra pa-
 scet;

memori servamus pectore. Post DEUM & Cæsarem, etiam
 gratias maximas & agere & habere debemus Sereniss. Electori
 Brandenburgico, DOMINO FRIDERICO WILHELMO,
 DN. NOSTRO CLEMENTISSIMO, qui si quisquam alius,
 pacem juvit, promovit, reduxit, munitissima loca, fertilissima
 & quod

& quod caput rei est, maritima loca hæreditariò & optimò jure ad se spectantia, subditorum suorum saluti postponens. Venturam curam ut fidelissimus pater patriæ egit, & simul posteritati providit. Et medius fidius non patietur ejus Serenitas, ut tanta hæc beneficia, quibus per illam fruimur, vitâ ejus definiantur, quam sicuti perpetuam, quamvis velimus, ipsi tamen præstare non possumus; ita longissimam & non nisi feris annis finiendam omnes vovemus! Immortalem Deum non desinentibus votis orabimus, poscemus, flagitabimus, ut omnia quæ Celsissima ejus Serenitas suscipit, cogitat, agit, benè prospereq; cedant in propriam & subditorum salutem. Exultet pace Marchia Brandenburgensis! Floreat tranquillitate Marchia Brandenburgensis! Triumphet concordia Marchia Brandenburgensis! Floreat in ea pax interna, externa, & tandem æterna.

Postremo

PRocul hinc procul omnia
faceffant prælia,
quies & pax inclyta

Salus & mens conscia
sua jam tabernacula
ponant in Germaniâ,

Perennent in Germaniâ.

D I X I

